

開封府志卷之三十八

藝文八

碑

漢蔡邕陳留太守胡公碑

君諱碩字季獻交趾都尉之孫太傅安卿侯少子也

其先與楚同姓別封於胡以國爲氏臻乎漢奕世載德不替舊勛君幼有嘉表克岐克嶷不見異物習與性成孝於二親養色寧意蒸蒸雍雍雖曾閔顏萊無以尚也總角入學治孟氏易歐陽尚書韓氏詩博綜古文周覽篇籍言語造次必以經綸加之行已忠儉事施順恕公體所安爲衆共之驕吝不萌於內喜愠不形於外可謂無競惟人溫恭淑慎者也初以公在司徒除郎中宿衛十年遭叔父憂以疾自免州郡交辟皆不就後以大將軍高弟拜侍御史遷諫議大夫以將軍事免官舉賢良方正不詣公車建寧元年召拜議郎納忠盡規匪鮮於位遷侍中虎賁中郎將是年遭疾屢上印綬詔

書聽許以侍中養疾其年七月被尚書召不任應
命詔使謁者劉惔賁印綬卽拜陳留太守君聞使
者至加朝服拖紳使者致詔君以手自擊陳辭謝
恩其明二十一日遣吏奉章報謝意氣精朗是日
疾遂大漸刻漏未分奄忽而卒時年四十一天子
憫悼詔使者王謙送葬以中牢具祠賜錢五萬布
百疋贈穀三千斛同位畢至赴弔雲集生榮未艾
沒有餘哀於是遐邇縉紳爰暨門人相與歎述君
德追痛不解怛情切悼無不永懷行由已作名自
人成先民旣邁賴茲頌聲嗟我明哲如何勿銘乃
作辭曰夫猗歟懿德令問有彰祗服其訓克構克
堂孝思唯則文藝不光敦厚忠恕衆悅其良綏弱
以仁不云我強爰自登朝進退以方見機而作如
鳴之翔乃位常伯恪處左右兼掌虎賁禁戎允理
邁茲虐病帝用悼止俾守陳留庶篤其祉王人旣
詔景命不俟嗚呼昊天殲我英士如可贖也孰不
百已哀哉永陳太邱碑先生諱寔字仲弓潁川許
傷萬年是紀陳太邱碑昌人也含元精之和應期
運之數兼資九德總修百行於鄉黨則恂恂焉彬
彬焉善誘善導仁而愛人使夫少長咸慕之

爲道也。行。進。退。可。度。不。微。許。以。于。時。不。遷。
武。山。臨。本。國。憲。功。曹。五。辟。豫。州。六。辟。三。府。再。辟。
大。將。車。字。制。法。中。書。太。邱。一。年。德。務。中。庸。教。敦。不。
肅。政。以。禮。法。全。行。有。禮。會。遭。黨。事。禁。錮。二。十。年。樂。
天。知。命。澹。然。自。逸。交。不。絕。上。愛。不。瀆。下。見。幾。而。作。
不。俟。終。日。及。文。書。散。者。時。年。已。七。十。遂。隱。邱。山。懸。
車。告。老。西。園。盡。禮。禮。居。大。將。軍。何。公。司。徒。袁。
公。前。後。招。辟。使。人。曉。諭。云。欲。特。表。便。可。人。踐。常。伯。
超。補。三。事。紆。佩。金。紫。光。國。垂。勲。先。生。曰。絕。望。已。久。
飾。巾。待。期。而。已。皆。遂。不。至。宏。農。楊。公。東。海。陳。公。每。
在。袞。職。羣。僚。賀。之。皆。舉。手。曰。潁。川。陳。君。絕。世。超。倫。
夫。位。未。躋。慚。于。文。仲。竊。位。之。負。故。時。人。高。其。德。重。
於。公。相。之。位。也。年。八。十。有。三。中。平。三。年。八。月。丙。子。
遭。疾。而。終。臨。沒。顧。命。留。墓。所。卒。時。素。服。棺。槨。財。周。
覲。喪。事。唯。約。用。過。平。儉。羣。公。百。僚。莫。不。咨。嗟。巖。數。
知。名。失。聲。揮。涕。大。將。軍。弔。祠。錫。以。嘉。謚。曰。徵。士。陳。
君。稟。岳。瀆。之。精。包。靈。曜。之。純。天。不。憖。遺。一。老。俾。屏。
我。王。梁。崩。哲。萎。於。時。靡。憲。縉。紳。儒。林。論。德。謀。績。謚。
曰。文。範。先。生。傳。曰。郁。郁。乎。文。哉。洪。範。九。疇。彛。倫。攸。
叙。文。爲。德。表。範。爲。士。則。存。誨。沒。號。不。亦。宜。乎。三。公。

遣令史祭以中牢刺史敬弔太守南陽曹府君命
官作誄曰赫矣陳君命世是生含光醇德爲士作
程資始旣正守終有令奉禮終沒休矣清聲遣官
屬掾吏前後赴會刊石作銘府丞與比縣會葬荀
慈明韓元長等五百餘人總麻設位以哀送之遠
近會葬千人已上河南尹种府君臨郡追歎功德
迹錄高行以爲遠近鮮能及之重部大掾以成斯
銘可謂存榮沒哀死而不朽者也乃作銘曰峩峩
崇嶽吐符降神於皇先生抱寶懷珍如何昊穹旣
喪斯文微言圯絕來者曷聞交交黃鳥爰集于棘
命不可贖
哀何有極

貞節先生范史雲碑

先生諱丹字史雲陳留人陶唐氏之後也其在周室有士

會者爲晉大夫以受范邑遂以爲氏漢文景之際
爰自南陽來家於成安生惠延熹二年官至司農
廷尉君則其後也君受天正性志高行潔在乎幼
弱固已藐然有烈節矣時人未之或知屈爲縣吏
亟從仕進非其好也退不可得乃託死遁去親戚
莫知其謀遂隱冀山中卷五經覽書傳尤篤易與

書序並道通久而後歸遊集大學知人審其荀其
其類無所容納介操所在不顧貴賤其在鄉黨也
事長惟敬養稚惟愛言行舉動斯爲楷式郡縣請
召未嘗屈節甚有備禮招延虛已邇上亦爲謀奏盡
其忠直以處士舉孝廉除郎中萊蕪長未出京師
喪毋行服故事服闋後還郎中君遂不從州郡之
政凡其事君過則弼之闕則補之通清夷之路塞
邪枉之門舉善不拘階次黜惡不畏強禦其事繁
博不可詳載雅性謙儉體勤能苦不樂假借與從
事荷負徒行人不堪勞君不勝其逸辟太尉府俄
而冠帶士咸以群黨見嫉時政用受禁錮君罹其
罪閉門靜居九族中表莫見其面晚節禁寬困於
屢空而性多檢括不治產業以爲卜筮之術得因
吉凶道治民情以爲薄償且無咎累乃鬻卦於梁
宋之域好事者覺之應時輒去禁旣蠲除太尉張
公司徒崔公前後四辟皆不就仕不爲祿故不牽
於位謀不苟合故特立於時是則君之所以立節
明行亦其所以後時失途也年七十有四中平二
年四月卒太尉張公兗州劉君陳留太守淳于君
外黃令劉君僉有以命使諸儒叅案典禮作誄著

謚曰貞節先生昭與功行錄紀所履謀於耆舊刻
石樹銘光示來世銘曰於顯貞節天授懿慶誕茲
明哲允迪德譽如淵之清如玉之素潤之不濁涅
之不汚用行思忠舍藏思固伯夷是帥史魚是慕
榮登安賤不恡窮迂甘死道善
遺名之故身沒譽存休聲載路

瑯琊王傳蔡朗碑

右諱朗字仲明蓋倉頡之精印
姬稷之末胄也昔叔度文王之

昭建侯于蔡以國氏焉迄于平襄周祚微缺王空
遂卑齊晉交爭強楚侵陵昭侯徙于州來公族分
遷氏家于圉奕業載德常歷宮尹以逮于茲君雅
操明允威厲不猛懷孝弟之性懷文藝之才包潤
典籍刊摘沉秘知機達要通含神契既討三五之
術又采二南之業以魯詩教授生徒雲集莫不自
遠並至栖遲不易其志簞食曲肱不改其樂心棲
清虛之域行在玉石之間是以德行儒林智周當
代四岳稱名帝曰永開元和元年徵拜博士舒演
與秘贊理闕文所立卓爾度躡雲蹤其選士也抑
頑錯枉進聖擢偉懷遺逸於九皐揚明德于訓

之策曰王庭

心黨著烈令聞流行聖朝以

貴胄先帝遺體以繼絕襲位正於阿保未合

推訓驕盈僭差或昭憲理非宏直碩儒莫能匡弼

桑書審行修德進退可度遷河間中尉瑯琊王傳

乃從經術之方示以恭讓之威率禮莫違其國用

靖雖安國之輔梁孝子仲舒之相江都靡以加焉勲

績既盛帝簡其功收授上位遷于紫宮賦壽不末

遭此疾凶年五十八求興六年夏卒嗚呼哀哉凡

百君子咨痛罔極服懷傷悼含涕流惻如何昊天

喪我師則爰勒斯銘式昭其德銘曰天縱明哲於

赫我君含宏光大元覽孔真潛樂教思韞玉衡門

雲龍感應養徒三十珠藏外躍鶴鳴聞天若時徵

庸登祚王臣綜彼朋疑定此典文泰佐七德俾相

大藩身沒稱顯永遵令勲表行揚名垂示後昆

魏邯鄲淳鴻臚陳君碑

君諱紀字元方太邱公之元

以命禹其後媯滿苗周武王時胙土於陳君其世

也君生應乾坤之純質受嵩岳之粹精內包九德

外兼百行淵深淪於不測瞻智應於無方宏裕足

以容衆矜嚴足以正世然後研幾道與涉覽文學

凡前言往行竹帛所載靡不坐該其進善也登臺
焉其誘人也循循焉是以令聞廣譽塞於天淵儀
刑嘉誨範乎人倫左平本傳故畧舉其著於人事
者焉顯考以茂行舉冠先儔季弟亦以英才知名
當世孝靈之初並遭黨錮俱處於家號曰三君故
得奉常供養以修子道親執饋食朝夕竭歡及太
邱君疾病終亡喪過乎哀崩傷嘔血如此者數焉
服禮既除戚容彌甚聞名心矍言及隕涕雖大舜
之終慕曾參之自盡無以踰也豫州刺史嘉懿至
德命勅百城圖畫形像於遺稱越在民口既處隱
約潛躬味道足不踰閭廛思著書一二十餘萬
言言不務華事不虛餘其所交繹合簪規聖哲而
後建旨明歸焉今所謂陳子者也初平之元禁綱
蠲除四府並辟弓旌父至雖崇其禮命莫敢屈用
大將軍何進表選名儒君爲舉首公車時徵起家
拜五官中郎將到遷侍中旬有八日出相平原會
孝靈晏駕賊臣秉政肆其兇虐剝亂宇內州郡幅
裂戎與並戒君冒犯鋒矢勤恤民隱馴之以禮教
示之以知耻視事未嘗一日懈容女向方會刺史敗於

已致死乃辭而去之於是老弱隨慕拔轅持轂
不得轉遂晨夜間行寓於邳郯之野袁術恣睢
號江淮圖覆社稷結婚呂布斯事成重必不測
君諗布不從遂與成婚送女在途君爲國深憂
奮策出奇以奪其心卒使絕好追女而還離
謀使不得成國用大安君之力也惟帝念功命
作尚書令會車駕幸許拜大鴻臚實掌九儀
四門穆遂登補袞闕以熙帝載不幸寢疾年
七十有二建安四年六月卒惜乎懷道處否
登庸日寡實使大業不究元勳屏建茲海內
所爲嗟悼凡百所以失望也天子愍焉使者
弔祭羣卿以下臨喪葬有子曰羣追惟蓼莪
罔極之恩乃與邦彥碩老咨所以計功稱伐
銘贊之意遂樹斯石用監於後其辭曰於穆
上德時惟我君罔天縱之天種厥純命世
作則實紹斯文遭險龍潛抗志浮雲所貴在
已樂存事親雖處畎畝天子屢聞乃隆郎將
陪帝作鄰平原寇深遂辭其民思齊古公邠
土是因不忘諗國惠我無垠復命喉舌秉國
之均爰登卿士媚茲一人如何穹蒼不授遐
年軫厥仕位每懷不申股肱或虧朝誰與詢
煢煢小子號泣于旻勒銘表德

而新

補康散騎常侍步兵校尉東平太守阮公碑

先生諱籍

字嗣宗陳留尉氏人也厥遠祖陶化于上世而先生宏謨於後代詩所載阮國則是族之本也先生承命世之美希達節之度得意忘言尋妙於萬物之始窮理盡性研幾於幽明之極和光同畧羣生莫能屬也確乎不可拔當塗莫能貴也或出或處與時升降或默或語與世推移望其形者猶登嶽涉海蕩然無以究其高測其深覽其神者猶旁璞親珪肅然無不欽其寶而偉其奇也不屑夷齊之潔故其清不可尚也不履惠連之汙故其道不可屈也遽援升降於卷舒甯武去就於愚智顧盼二子不亦泰如危宗廟之義安不靈之龜故無孤憤之逼而有塗中之廣觀屈穀鳴鴈是以處不才之間察巨瓠緯帶是以遊有用之際夸大辨而御之以訥資大白而滂之以辱爲無爲而名不能累也事無事而世不能役也訪垂天之翼於寂寞之城

接輿被張以養生義陳季子以求其體饒近步脩
作軌轍而已哉尼父議老成於遊龍衛賜警重
初於日月揆之先生其殆庶幾乎方將攀逸駕於
洪涯懇遐軌於巢州跨宇宙以高挹凌雲霄以優
游享年若干楚病而卒于是遠鑒之士有識之徒
先生之沒夫豈不慨然臨豪傑而有惠子之問運
斧斲而思邛人之力乃探賾索隱以敘雅操使將
來君子知莊生之跡畧舉其志碑之曰峩峩先生
天挺無欲元虛恬淡混齊榮辱濫滌穢累婆娑山
足胎胞造化緇瀟灑灑鼓滄浪彈冠嶠岳頤神
太素簡通世局澄之不清涵之不濁翱翔區外遺
物庶俗隱處巨室反真歸漠汪汪淵源邁跡圖錄
王儉褚淵碑夫太上有立德其次有立功此之謂
隨武既沒趙武懷其餘風於文簡公見之矣公諱
淵字彥回河南陽翟人也微子以至仁開基宋段
以功高命氏爰逮兩漢儒雅繼及魏晉以降奕世
重暉乃祖太傅元穆公德合當時行比州壤深藏
臧否不以毀譽形言亮采王室每懷冲虛之道可
謂婉而成章志而晦者矣自茲厥後無替前規建

官惟賢軒冕相襲公稟川嶽之靈暉含珪璋而挺
曜和順內凝英華外發神茂初學業隆弱冠是以
仁經義緯敦穆於闕庭金聲玉振寥亮於區宇孝
敬淳深率由斯至遠蒙朝夕人無間言逍遙乎文
雅之園翱翔乎禮樂之場風儀與秋月齊明音徽
與春雲等潤韻宇宏深喜溫莫見其際心明通亮
用人言必猶於已汪汪焉洋洋焉可謂澄之不清
撓之不濁袁陽源才氣高奇綜覈精裁宋明帝端
明臨朝鑒賞無昧袁旣延譽於遐邇文亦定婚於
皇家選尚餘姚公主拜駙馬都尉漢結叔高晉姻
武子方斯蔑如也釋褐著作佐郎轉太子舍人濯
纓登朝冠冕當世升降兩宮實惟時寶具瞻之範
既著台衡之望斯集出參太宰軍事入爲太子洗
馬俄遷秘書丞贊道槐庭司文天閣光昭諸侯風
流籍甚以父憂去職喪過乎哀幾將毀滅有識留
感行路傷情服闋除中書侍郎王言如絲其出如
綸恪居官次智效惟穆于時新安王寵冠列藩越
敷邦教毗佐之選妙盡國華出爲司徒右長吏轉
尚書吏部郎執銓以平御煩以簡裴楷清通王戎

子不食府卒固也。不拜。尋。縣。國。伯。食。邑。五。百。戶。之。志。所。受。田。邑。不。盈。百。井。之。重。爲。符。中。右。衛。將。軍。盡。規。獻。替。均。山。甫。之。虞。得。熙。王。旅。兼。方。叔。之。望。丹。陽。京。輔。遠。近。攸。則。吳。興。襟。帶。實。惟。股。肱。頻。作。二。守。並。加。蟬。冕。政。以。禮。成。民。是以。息。明。皇。不。豫。儲。后。幼。冲。貽。厥。之。寄。允。屬。時。望。徵。爲。吏。部。尚。書。領。衛。尉。同。讓。不。拜。改。授。尚。書。右。僕。射。端。流。平。衡。外。寬。內。直。宏。二。八。之。高。暮。宣。由。典。而。垂。詠。太。宗。卽。世。遺。命。以。公。爲。散。騎。常。侍。中。書。令。護。軍。將。軍。送。往。事。居。忠。貞。允。亮。秉。國。之。均。四。方。是。維。百。官。象。物。而。動。軍。政。不。戒。而。備。公。之。登。太。階。而。尹。天。下。君。子。以。爲。美。談。亦。猶。孟。軻。致。欣。於。樂。正。羊。職。悅。賞。於。士。伯。者。也。丁。所。生。母。憂。謝。職。毀。疾。之。重。因。心。則。至。朝。議。以。有。爲。爲。之。魯。侯。垂。式。存。公。忌。私。方。進。明。準。爰。降。詔。書。敦。還。攝。任。固。請。移。歲。表。奏。相。望。事。不。我。與。屈。已。宏。化。屬。值。三。季。在。辰。戚。藩。內。侮。鞋。

陽失圖窺窬神器鼓棹則滄波振蕩建旗則日月
蔽虧出江派而風翔入京師而雷動鳴控絃於宗
稷流鋒鏃於象魏雖英宰臨戎元渠時殄而餘黨
實繁宮廟憂逼公乃總熊羆之士率不貳心之臣
戮力盡規克寧禍亂康國祚於綴旒振王維於已
墜誠由太祖之威風抑亦仁公之翼佐可謂德刑
詳禮義信戰之器也以靜難之功進爵爲侯兼授
尙書令中軍將軍給班劍二十人功成弗有固秉
撝挹改授侍中中書監護軍如故又以居母艱去
官雖事緣義感而情均天屬顏丁之合禮二連之
善喪亦曷以踰天厭宋德水運告謝嗣主荒怠於
天位疆臣憑陵於荆楚廢昏繼統之功戡亂寧民
之德公實仰贊宏規參聞神算雖無受賑出車之
庸亦有甘寢秉翟之績乃作司空山川攸序兼授
將軍戎政輯睦匪而齊懿龍興順皇高禪深達先
天之運匡贊奉時之美廓清承正徽猷宏遠樹之
風聲著之誥言古舊稷契之臣虞夏荀彘之率魏
晉自非坦懷至公永監崇替孰能光輔五右奮亮
二代首哉大教廣遠康寧之世時膺土宇固辭邦
教今之尙書令公之德業垂於萬世

於百廢暫遂冲旨邇無異言遠無異望帝嘉茂庸
重中前冊執五禮以正民簡入刑而罕用故能駢
績康衢延慈哲后義在資敬情同布衣出陪鑾躅
人奉帷殿仰南風之高詠食東杼之秘寶雅議於
聽政之晨披文於宴私之夕參以酒德間以琴心
暇有餘暉遙然留想君垂冬日之溫臣盡秋霜之
戒肅肅焉穆穆焉於是見君親之同致知在三之
如一太祖升遐綢繆遺寄以待中司徒錄尚書事
稟玉几之顧奉綴衣之禮擇皇齊之令典致聲化
於雍熙內平外成實昭舊職增給班劍三十人物
有其容徽章斯允位尊而禮卑居高而思降自夏
徂秋以疾陳退朝廷重違謙光之旨用中超世之
尚改授司徒領驃騎大將軍侍中錄尚書如故景
命不永太漸彌留建元四年薨昔柳莊疾棘衛君
當祭而輟禮晏嬰既往齊君趨車而行哭公之云
亾聖朝震悼於上羣后恇慟於下豈惟哀纏一國
痛深一主而已哉追贈太宰侍中錄尚書加給節
羽葆鼓吹班劍爲六十人謚曰文簡禮也夫秉德
而處萬物不能害其貞虛已以遊當世不能擾其
度均貴賤於條風忘榮辱於彼我然後可兼善天

下聊以卒歲經始圖終式免祇悔誰云克備公實
有焉是以義結君子惠沾庶類言象所未形述詠
所不盡故吏某甲等感逝川之無捨哀清輿之渺
默食輿誦於邱里瞻雅詠於京國思衛鼎之垂文
想晉鐘之遺則方高山而仰止刊元石以表德其
辭曰辰精感運昂靈發祥元首惟明股肱惟良天
鑑璿曜躍踵武前王欽若元輔體微知章永言必孝
因心則友仁洽兼濟愛深善誘觀海齊量登嶽均
厚五臣茲六八元斯九內暮帷幄外曜台階遠無
不肅邇無不懷如風之偃如樂之諧光我帝典緝
彼黎民率禮蹈謙諒實身幹跡屈朱軒志隆衡館
眇眇元宗萋萋辭翰義旣川流文亦霧散嵩構云
積梁陰載缺德猷靡嗣儀形長逝怡悵
餘徽鐸洋遺烈久而彌新用而不竭

楊植許由廟碣

堯之聰明由先生生成堯之至理由先生始堯不以天下讓先生先生

之道猶昏先生不以清節避唐堯唐堯之道何尊
是知天地間堯而許之日而月之生人以來避讓
之太未有如先生者也若非鑑銖九有亢極一夫
安能以叢澤枯槁之姿下聖神文武之德則抑

朱得堯之體而遺堯之性先生得堯之性而遺堯之名是得之者守之不足遺之者宰之有餘天用先生批糠帝王牢籠六合欲先生躬戴清規首出萬言僭賊爲臣之道拜先生廟者得不戒之哉使湯之智讀先生書夏祀不夷也使發之聖得先生夢商廟不墟也然湯武聖人之用也先生聖人之潔也於亂則吾用於治則吾潔二者聖人經時之大柄使湯武逢堯舜是必韜用而先潔矣先生逢桀紂是必舍潔而趨用矣則聖人變化豈有殊耶故喜爲雲霞怒爲雷雨先生神也生爲春夏殺爲秋冬先生功也結爲山嶽融爲川瀆先生壽也星羅日帳巖盡崆靜先生宅也聖人無爲金石在璞先生當也功而不宰人文化成先生道也休光烈儀仰道垂師先生文也天機自潔雖死不襲先生武也噫先生所謂稟天之德合地之式居天地中立帝王則噫先生所謂往矣誰能宗見寥廓但箕頤之上惟餘清風噫先生所謂爲聖人之大標天地之外揖堯謝舜疇爲吾輩我來獨尋請禱意深再拜刻石取文于心